

Imaani avatangiisit


Suli Pituffiup eqqaani
mingutsitsisoqarpoq

All. Kirsten Rydahl, DMU



DMU-mit ilisimatuut amerikkarmiut Pituffimmi sakkutooqarfiata eqqaata imartaanit misissugassanik arlalinnik misissuisimapput. Misissuinerit ersersippaat PCB-nik mingutsitsineq ajornartorsiutit annersarigaat, aatsitassanillu arortikkuminaatsunik mingutsitsineq 1984-mili misissuinerimut naleqqiullugu allangungaarsimangitsut.

Avatangiisinut aqutsisoqarfiup DMU piumaffigisimavaa Avannersuarmi Pituffimmi sakkutooqarfiup eqqaata imartaa misissoqullugu. Misissuinerup inernerit, Uummannap eqqaata ukioq manna siusinnerusukkut Kalaallit Nunaanut utertinneqartup, avannersuarmiunit siunissami atorsinnaananut atatillugu suliarisariaqartunik nalilersuinermit atorreqassapput.



Taamaattumik DMU-mi ilisimatuut Pituffiup eqqaata imartaani uilunik, qeqquanik aalisakkanik immap naqqanillu augustimi 2002-mi misissugassanik katersuisimapput. Ilisimatuut misissuinerit siornatigut taamatut 1984-mi misissuinermit inernerit sanilliunneqarsinnaanngorlugit aqqissuussimavaat.

Misissuinerup inernerisa takutippaat Pituffimmi sakkutooqarfimmit mingutsitsineq sakkutooqarfiup eqqaanit 5-10 km-rit avasitsigisumik imaanik mingutsitsisoq. PCB-nik (polyklorerede biphenyler) mingutsitsineq annertunpaamik ajornartorsiutaavoq, tamatumuuna Kitaata Avannaanut nalinginnaq akoqassutsimut naleqqiullugu 50-riaammik qaffasinnerulluni. Sakkutooqarfiup eqqaani kanassut tinguisa akoqassusaat inunnit nerineqarsinnaasutut killigittamat naleqqiullugit arfinileriaammik qaffasinnerullutik. Uiluiit PCB-mik akoqassusaat 1984-mut naleqqiullugu 5-10-



Pituffimmi sakkutooqarfiup eqqaani kanassut pisarineqarsimasut tinguisa PCB-nik qanoq akoqartigenerat. Kisitsisit pissarsiat misissugassat suli panertinnagit kilumit mikrogramimik uuttuuteqarput. Assersuutigalugu Qaanaap eqqaani mingutsitsiffiisimangitsumi PCB kilumut 13 mikrogramiusoq paasineqarpoq.

riaammik qaffasinneruvoq, immallu naqqanit misissukkat PCB-mik akoqassusaat allangorsimanani. Misissuinerup aamma takutippaa sakkutooqarfiup eqqaani saffiugassanik suli mingutsitsineqartoq.

Ilisimatoq Christian M. Glahder nalilivoq PCB-mik imaani mingutsitsineq suli seeriffiusunik arlalinnik allaaveqartoq. Tamaassimangikkaluarpammi ilisimatuut misissugaat 1984-mi misissuinerimut naleqqiullugu akukinernerisimassagaluarmata.

DMU-p nalunaarsiaq Avatangiisinit aqutsisoqarfimmut Namminersornerullutillu Oqartussanut tunniussimavaa. Nalunaarsiaq sakkutooqarfiup eqqaata avannersuarmiunit siunissami atorreqarnissaanut atatillugu pisortat isummernissaannut tunngavissat ilagiumaarpaat.

Seniorforsker Christian M. Glahder, cmg@dmu.dk

DMUNyt, ukiuisa arfinillit nr. 3

Naqiterisitsisoq: Danmarkimi Avatangiisik Misissuisoqarfik, Avatangiisinit Ministeriaqarfik Frederiksborgvej 399, Postboks 358 DK-4000 Roskilde
Tlf: +45 4630 1200, Fax: +45 4630 1114
e-post: dmu@dmu.dk
www.dmu.dk

Akisussaalluni aqqissuisoq:
Henrik Sandbech

Aqqissuisoq: Jens C. Pedersen

Nutserineq: Hans Kristian Olsen

Ilulilersuisut: DMU/Grafisk Værksted

